

CLXXXVIII

## Des Sechßten Theyls Er- ster Titul.



**V**n Antretung/ oder *De aduinda  
vel repudia  
da Heredi-  
tate.*  
aber Entschlahung der Erbschafft/ vnd  
in was zeyt solches gesche-  
hen soll.

§.  
I.



**V**nem jeden / dem ein Erbfall  
aus einem Testament/ oder ohn Testa-  
ment/ aufferstorben/ vnd er dessen in ge-  
wisse erfahrung kommen/ gebüret/ sich  
öffentlich mit worten oder thaten / ob er  
solchen Erbfall antretten / vnd annem-  
men/ oder aber dessen sich/ (da er vielleicht  
besorgt/ daß derselbig zu vil mit Schulden beladen seyn möchte/)  
entschlahen wölle/ zu erkläre/ Darmit/ im fall ein Testament vor-  
handen/ die Legatarien, vñ andere/ da aber kein Testament vor-  
handen / die Creditores vnd Gläubiger (so der Verstorben en-  
nige verlassen) wissen mögen/ an wen sie sich irer habenden For-  
derungen vnd Zusprüche halben/ sollen halten.

II.

**V**n nach dem die Recht dem Erbe hierzu Bedenckzeyt (die  
Zweyl es etwan mit den Erbschafftē gefährlich vñ mißlich ist/  
Also/ daß sich offtmahls dabey mehr beschwärungē mit der zeyt/  
als mā anfangs gewußt hat / befinde) eines Jarlang gnediglich  
mitgethenlt / Doch / daneben auch noch ein ander gnediger mit-  
tel/ Nemlich/ die Wolthat des Inuentarij verordnet/ Also/ wann  
der Erb Protestirt, daß er die Erbschafft anderß nicht/ dan mit  
solcher Wolthat des Inuentarij wölle angenommen haben / daß  
alsdann